

ТРАКТОР

ВКП(б)-лэн Дебесской райкомезлэн но райсоветлэн органы

Ю КИДЫС ТЫРМЫТ КИСЬТЫСА, СОЕ КИЗЫНЫ УМОЙ ДАСЯНО

Колхозной ю кидыс фонд'эсты тырмыт кистон но кидысэз сортировать карыса кизыны дасян—тулыс кизэн азелы дасясынын важной мероприятиен луэ. Сорняк'эслэсь сузым но потонлыкэс эскерем сортовой кидыс'эс, уржайностез жутовын бадзым инты басыто.

Азымныйсь колхоз'эс кемалась тае валазы ни. Соос тулыслэсь вуэмэз витытэк азыло ик тырмымон но умой ю кидыс дасяло. Тулыс кизэн вуиз ке, соос азыло ар'эсы кад ик, кизэнэз пумиталозы тырмымон кистэм таза ю кидысэн. Тани Ариковской, Б-Кизнинской, Уд.-Лемской сельсовет'эсысь колхоз'эс туннэ нуваллы план'я тырмымон ю кидыс фонд но страховоной фонд кистызы ни. Али таос духуменной, трехменной ужан организовать карыса ю кидыс'эсэс сортировать каро, мултэсэз ужась кужымзы нилэс дасянын ужало.

Но тазы ю кидыс понна ваньмыз уг сюлмасько. 1-ти январь азелы ю кидыс фонд'эсты кистонэз быдэстон интые, та дырозь но куд-огез колхоз'эс но сельсовет'эс тырмымон ю кидыс бз кистэ на. Сыче сельсовет'эс луэ: Лесагуртской, ю кидыс кистон планзы 53,4 процентлы сына быдэстэмэ на. Шуралудской сельсоветын—56,4 процентлы гинэ. Дебесской сельсоветын—66,7 проценты, Б-Зетымской сельсоветын—68,2 проценты гинэ.

Бере кылысь сельсовет но колхоз председател'эслэсь юано луэ: ма соос малпало, гин вылэ оско? Малы соос колхозазы ю кидыс кистонэз организовать уг каро? Видимо куд-огез колхоз но сельсовет председател'эс малпасько государстволэсь семенной ссуда басытны но соин колхозной фонд организовать каронын асыслэсь бездеятельностьсэс шобыртыны, ватыны.

Уж зэмэз но тае шуыса сое таеэсь факт'эс возматом. Тани Азин нимо колхозын 170 центнер ю кидыс кистыллям но, милям больше бвдн ни, шуэ колхозлэн председателэз Бывалцев. Уж вызын эскерыса пош шедьтэмын, соослэн со сяна 700 центнер юзы вань на. Шуралуд сельсоветысь «Пролетарин» колхоз, председателэз Хохлаков, райзоэ но райсоветэ заявление гожтыллям, что соослэн ю кидысы но фуражы уг окмы, а фактически ю кидыс но фураж но тырмымон кистыны быгатонлыксы вань. Шуралуд сельсоветысь ик «Юный пахарь» колхозын, председателэз Хохлаков, ю

кидысы, не, уг окмы, а асысэос трудодепылы быдэ 2 килограмм пивья люко. Тае пример'эс бжыт бвдл.

Та факт'эс возматом куд-огезлэсь колхоз председател'эслэсь но сельсовет председател'эслэсь иждивенческой настроенизэс, бездеятельностьсэс. Ю кидыс фонд организовать карон понна действительно по-большевистски пур'яскон интые, таос бездеятельностьсэс проявит карыса государстволэсь ссуда басытны малпаськыса уло. Тае малпаськон'эсты йырысь куштоно. Партийной но советской руководител'эслэсь государстволэсь ссуда басытны рассчитывать карытэк асыэ колхоз'эсыстызы ю кидыс шедьтоно, солы быгатонлык'эс вань, только бадзым инициатива гинэ проявит кароно. Каждой колхозын еше одиг пот ю тысьлэсь запасэ эскерыса нырысь ик ю кидыс фонд тырмыт кистон понна сюлмасько. Кудке колхоз'эсын действительно ке ю кидысы уг окмы (а сыче колхоз'эс трос бвдл, одиг-кык), со колхоз'эслэсь мукет колхоз'эсын юрттат сётон организовать кароно, кытын вань мултэсэз ю тысьсы. «Наконец, колхоз'эс ю тысь пунжамы быгато колхозник'эслэсь. Но предупредить кароно луэ, чтобы тае мероприятияс азимпстративно медам ортчыллэське, а колхоз'эслэн добровольностьсы вамен но колхозник'эслэн личной добровольно согласизы вамен». («Правда»).

Азымныйсь колхозник'эс тае валаза, тае мероприятиез приветствовать каро. Зар-Медла сельсоветысь Калинин нимо колхозлэн председателэз Иванов эш шуэ, что ми колхозамы ю кидыс фонд мултэсэн кистомы мукет колхоз'эслы юрттыны понна. Ленин нимо колхозлэн правлениез но активез решить карызы 319 центнер мултэс ю кидыс фонд кистыны. Тазы ик мукет колхоз'эсын но мултэсэн ю кидыс фонд кистыло.

Партийной, советской но колхозной активы колхозник'эс пльн массово-раз'яснительной уж нуон вамен, кажной колхозын асыэ кужыменнызы тырмыт ю кидыс фонд кылдытон понна ужез организовать карылоно. Тулыс кизыны кутекон азелы колхоз'эслэн ю кидысы тырмыт окмымон гинэ медам луы, а со вылы зечлыкы мед луоз но вылы зечлыкы урожай бастонэз мед обеспечат кароз.

Сыче боевой задачаос сыло вань партийной, советской но колхозной актив азын, вань парти член но колхозник азын.

Скоростья международной рекорд

28 августа 1939 арын советской летчик'эс Шебанов, Матвеев, бортирадист инженер Байкузов «Сталь-7» пассажирской самолетын скоростной лобан ортчытызы. Соос лобизы Москва—Свердловсклэн районэз—Севастополь—Москва треугольник'я. 5068 киломер'ем расстояниез Шебанов, Матвеев но Байкузов эш'эс 12 час но 30 минут но 56 секунд дыр

куспын ортчын ныкытчы пуксылытык. Лобзон жоглыксы одиг час куспын 404,936 километр.

31 января ФАИ-лэн президиумезлэсь ивортон бастэмын Шибановлэсь, Матвеевлэсь но Байкузовлэсь рекордзэс «С» клас'я 500 километр'ем дистанцие лобзон'я скоростсэс международной рекордэн признать карон сярысь. (ТАСС).



М. В. Фрунзе—Красной Армилян организатор'эсыз но руководитель'эсыз пблысь одигез луэ (вортскыз 2 февралэ 1895 арын, кулиз 31 октяб্রে 1925 арын).

ТАУ КАРОН

Мыным 60 арес тырмемен валче зечкылан'эс но зеч мылкыд'эс ыстэм вань организациослы, обществоослы, группаослы, учреждениослы, нимаз-нимаз мурт'эслы сюлмыстым ик тау каронме верасько.

И. СТАЛИН.

Социалистической Трудлэн Героез Дегтярев, технической наукалэн докторзы

Высшой аттестационной комиссия 29 января ортчымтэ заседанииз Социалистической Трудлэн Героезлы Дегтяревлы диссертация захищать карытэк присвоить кариз технической наукалэсь докторзылэсь ученой степеньзэ.

Аслаз выдающийся деятельностез понна но родина азын заслугаосыз понна Дегтярев награждать каремын Ленин орденэн, «Красная звезда» орденэн, солы присвоить каремын Трудлэн Героезлэн но Социалистической Трудлэн Героезлэн званиоссы.

Та заседаниын ик высшой аттестационной комиссия диссертация захищать карытэк технической Наукаослэн докторзылэсь ученой степеньзэ но стрелковой вооруженилэн кафедря профессорлэсь ученой званизэ присвоить кариз Федоров инженерлы. Федоров стрелковой вооружениез конструировать карон областын бадзым специалист'эс пблысь одигез луэ. Солэн научно-исследовательской ужезлы 40 ар тырмиз ни, со куспын 20 научной труд'эсыз потыз. (ТАСС).

Колхоз'эс колхоз'эслы юртто

Ю кидысэн колхозной юрттэз организовать карон сярысь вераськыса, Зар-Медла сельсоветысь Калинин нимо колхоз но «Большевик» (Троицкое) колхоз сое умоен лыд'яло.

Капинин нимо колхозысь колхозник'эс, председателэз Иванов, планлэсь мултэс 75 центнер пөртэм культураос'я ю кистыны кутскизы ни. «Большевик» колхозын но, председателэз Рубцов, 50 центнер кистыны согласизэс сётызы.

Саботажничать каро «Высокое поле» колхозын. Таослэн но котькыче быгатонлыксы луыса, мултэс ю кидыс кистонлы пумит'ясько., Тужгес пумит'ясько колхоз счетовод Овсяников но колхоз председателэз Татауров.

Татауровлы но Овсяниковлы бере кылем настроенизэс кустыса, колхозной юрттэз кылдыгон сярысь мукет колхоз'эслэсь бере кылэно бвдл.

Рубцов.

319 центнер мултэс ю кидыс кистом

Лыдэ бастыса сое, что туэ арын государство ю кидыслы но фуражлы ссуда уз сёты, но асьме районын вань куд-ог колхоз'эс, куд'эсызлэн тырмыт ю кидысы уз окмы. Соин ик

Ленин нимо колхозысь колхоз правление но актив решить карызы семенной фонд сяна еше 319 центнер мултэс ю кидыс кистыны мукет колхоз'эслы юрттыны понна.

Булдаков.

СВОДКА

1-ти февраль азелы ю кидыс но страхфонд кистон планлэн быдэсметез сярысь

(Процентэн возыматэмын)

СЕЛЬСОВЕТ'ЭС	Ваньмыз тысь юос но бобовойэс	Тысь юос чабай, йыды, сезыы	Клевер	Картовка	Етын	Кенэм
Дебесской	66,7	67,1	2,1	59,2	39,2	20,0
Ариковской	102,5	104,2	21,0	65,5	40,9	50,0
Тольенской	75,4	69,1	—	68,4	50,4	33,3
Лесагуртской	53,4	52,7	—	41,9	18,8	50,0
Сюрногуртской	81,4	81,6	8,6	46,2	32,2	21,3
Портурнеской	93,0	93,6	4,0	65,6	34,1	46,1
Удлемской	100,0	100,0	—	52,7	65,5	50,0
Бибангуртской	89,5	91,4	6,2	31,7	68,4	12,4
Б-Зетымской	68,2	69,9	12,5	55,4	42,1	16,6
Зармедлинской	92,4	93,2	4,33	66,7	61,2	37,5
Б-Кизнинской	102,0	100,0	—	53,6	93,8	42,8
Шуралудской	56,4	55,6	—	14,5	59,6	11,7
П-Пыхтинской	69,6	70,3	9,6	62,9	45,1	7,7
Ваньмыз районны	80,3	80,0	6,1	58,6	49,4	29,7

ВАЛЭКТОН: та лыд'эсы ик страхфонд но пыре.

Бордгазет'эслэн редактор'эссылы но робселькор'эслы заочной курс'эс организовать карыське

ВКП(б)-лэн Центральной Комитетэзлэн решениез'я бордгазет'эслэн редактор'эссылы но рабселькор'эслы одиг ар'ем курс'эс организовать карыське. Асьме районамы «Трактор» газетлэн редакциез та курсэ дышетскисысты кутыны кутскизы ни, Дышетскыны пырыны быгато бордгазет'эслэн редактор'эссы, редколлегислэн член'эссы, рабселькор'эс, стахановец'эс, учреждениослэн, предприятиослэн но колхоз'эслэн азымныйсь адямиоссы.

Котькудыныз слушателен предарительно беседа орчытэмын луоз со вылысь, чтобы тодыны, вань-а солэн та курсын дышетскыны мылкыдэз, интересовать каре-а сое печатын ужан.

Курсант'эслэн общеобразовательной подготовказы тужляб медам луы, ичизэ вераса начальной школаез дышетскыса быдэстэмын мед луоз.

Дышетскисысты заочной курсэ кутон мынэ. Ваньмыз дышетскыны мылкыд карыське редакциялы гожтэтэн, яке ачизэс лыктыса ивортыны быгато асыслэн дышетскыны мылкыд каремын сярысь.

Заочной курсын дышетскыны учебной планын учкемын: газетной ужын теория но практика сярысь. Текушой политикалэн вопрос'эсыз но бордгазетлэн конкретной задачаосыз. Родной язык но география.

ВКП(б) ЦК-лэн указаниез'я учебной литератураосын курсант'эс обеспечиваться карыськызы. Дышетскызы самостательно гурт'эсазы, нош районной газетлэн редакциез арчоже каждой толэзлы кык пол 4 час'ем консультация орчыт'ялоз.

И В А Н У Л Ъ Я Н О В

Минской районсь Кайковской сельсоветын (БССР) Ленин нимо но Сталин нимо колхозысь колхозник'ёслэн об'единенной собранизы ортчиз. Собранизы посвятить каремын вал 1940 арын каждой гектарысь 100 пудлэсь ичи урожай басынтэм вылысь социалистической договор гожтонлы.



СНИМОКЫН: обшой собранилэн видэз, бурпалаз—Сталин нимо колхозлэн председателел Ф. В. Савич выступать каре.

НЮЛЭС ДАСЯН

20-ти мартозь нюлэс дасян планэз быдэстоно

Дебесс район вылаз обязательство бастыз 20-ти мартозь нырысетй кварталэ нюлэс дасян но поттон ужез 100 процентлы быдэстыны. Толэзь ортчиз ни, план нош—заготовкая 22,7 процент, вывозкая 34,4 процент но подвозкая 22,5 процент гинэ быдэстэмын. Нюлэс дасянын тужгес урод ужало Чапаев нимо, „Красная колонна“, „Серп и молот“, „1-й луч“ колхоз'ёс.

Урод уг ужало „15-я годовщина“, „Крас. Октябрь“, „Большевик“ но мукет'ёсыз колхоз'ёс. Та колхоз'ёсын нюлэскын ужаны нимысьтыз ответственной мурт'ёс вис'яллымын. Соос нюлэскын ужанэн конкретно сикын ужаназы руководить каро. Соин ик ужзы но умой мынэ.

Нюлэскын ужанэз дун'ямтэлы пум пононо. Колхозэн кивалтисьёслы тодыса улоно, что али ке соос нюлэскын өз ужалэ, тулыс нбд, ву дыр'я ужано луозы. Озы бере, вал'ёсээс уродэсь карыса, кизёнын сепк'ёс луозы. Тазы медам луэ шуыса, график'я кёня ужась кулэ со мында, даже троггес ужасьёсты нюлэске ужаны ыстоно, чтобы 20-ти

мартозь 1-ти кварталэ нюлэс дасян планэз 100 процентлы быдэстоно. З. Д.

СВОДКА

Дебесской леспромхозын 1-ти февраль азелы 1-ти кварталэ нюлэс дасян планлэн быдэстемез сярись.

КОЛХОЗ'ЁС	о/о возьматыса		
	Заготовка	Вывозка	Подвозка
Калинин нимо	—	35,0	12,4
Серп и молот	6,6	41,4	28,6
Крупская нимо	—	—	18,0
Высокое поле	—	25,8	11,7
Звезда	10,0	54,8	29,6
Веселый труд	12,3	—	30,8
15-я годовщина	19,2	61,5	25,6
Труженик	10,7	16,0	16,1
Андронов нимо	10,6	100,1	—
Большевик	17,1	42,8	9,0
Чапаев нимо	2,1	25,0	8,3
Кр. колонна	5,9	22,5	4,1
Ударник	15,8	67,2	—
1-й луч	9,5	34,1	28,0
Кр. май	17,9	21,0	29,0
Кр. звезда	10,4	46,5	—
Динамо	14,9	35,6	16,1
Кр. октябрь	18,9	23,4	8,9
Верх-челык	10,5	17,2	9,2
Кр. Орлы	—	34,0	—
Ваньмыз	—	—	—
Дебесс район'я	11,4	37,2	16,3
Леспромхоз'я быдэстэмын	22,7	34,4	22,5

Пичи Вишерын та веселой парикмахероз тодисьтэмез ой вал, Сое Красной Армилен радаз пбсь мылгыдын келязы.

Татын со ас специальностез'я ужаны кутскиз. Нош кукке финской белогвардейщина асьме родинамы вылэ пиньзэ шерыны кутскиз, парикмахер лыктыз ас командирез доры.

— Мынам разведчик луэме потэ, командир эш.

— Нош брить карыны? — юаз командир.

— Брить карон мыноз ас черодэныз, — вераз боец-парикмахер. Вуом сооз но, тазэ но

Аслаз эшеныз Николай Ивлевен Ульянов разведкае определить каремын вал. Жоген кутскиз солэн боевой улонэз.

Асьме орудисмылэн кужмо куараоссы сээ'яллызы омырез. Снаряд'ёс мынылызы тушмон доры. Ульянов кыллиз лымы пбдын. Куазь югыт луыны кутске вал ини. Со адэ: тани пичись гинэ писпуос, со сьбырын бад'ым лымы люк, палназгес — лйял но соин арта погыртэм писпу. Отчы умой луоз ватсыны, перебежка лэстыны. Ульянов ас котырсытыз интыез туж сак эскере, дасяське азылань мыныны. Наконец, команда кылйське.

Граница кылиз бере. Тушмон нюлэс ватскемын. Бандит'ёсын дасям предательской ловушкаосы педентэм понна наступать карись армиялы туж сак син'ёс, туж сак пельёс кулэ. Со но солэн эш'ёсыз луо армиялэн самой сыче пельыныз но симыныз. Сое Ульяпов умой валаз. Со шумпотэ таке данлыко ужез быдэс'ямезлы.

Соос мынызы азылань, сюресэз суэзы кыз'ёс улэ ватэм минаослэсь. Соос быдтылызы противниклэсь сепрег'ёсэ но передовой пост'ёсэ. Соос шараллызы тушмонлэсь коварной засадаосэ.

Нюлэсын чал-чал. Сак син'ёс азыпала учко... Тини куштос, со сьбырын—гранитной из'ёс. Соос, шай-вылысь памятник'ёс кадэ, мычылыськемын.

— Адзиськеды-а тини отысь вырйыл'ёсты? — вераз командир. Отын соослэн засадазы луыны кулэ.

Командирлэн верамез земаз. Разведчик'ёслэн нюлэс кожэмзы бере ик, Ульянов адзиз, кызы лымы люк кадэ маке одйг писпу дорысь мукетэз кытйськыз.

— Со тбды халатэн белофин, — сишпыртса вераз Ульянов. Головной дозорной Кузовкин лымы

люк сьбыры выдиз. Ульянов но Ивлев нош палэнэ кариськызы. Тбды халат лыктэ шонерак Кузовкин вылэ. Кузовкин вырзылытэк кыллиз. Ас дораз туж матэ лыктыны лэзыса, со пружина кадэ, тэтчиз но шыткэсэ урдиз халатлэн сюлмаз.

— Кидэс жутэ!

Бандит куалектыз. Со отысь ик адзиз на, кызы со азе муз'ем улысь кадэ потыз на кык мурт: соос вал Ульянов но Ивлев. Тушмон пччалэз куштыз но кюссэ жутыз.

— Пожалуйте бриться, — шуиз парикмахер

Со вал нырысетйез пленной, кудиз кутэмын вал Ульяновлэн кужмо юрттэмез'я.

Н. озеро дорын, кык сюрес'ёс вожын, белая'ёслэн бад'ым кужым'ёсы люкас'кемын шуыса сведениос басытэмын вал. Сэтэмын боевой приказ: югыт лутозь разведать кароно. Головной дозоре назначить каремын вал Ульянов.

— Монэ но соин чопш мыныны лэзе, — куриськыз командирлэсь Николай Ивлев.

Кык боевой друг'ёс мынызы разведкае. Соос сьбыры командирлэн кивалтэмез улсын мыныз подразделение.

Писпуос сьбыры ватсылыса, кылзиськыны понна дырын-дырын дугдылыса, разведчик'ёс сюрес валлин чал-чал мынызы. Пеймыт на вал. Ульяновлы шодтэк шорысь кылйськыз Ивлев маке но вераз кадэ. Со Ивлев пала учкыз. Нош соиз чалчал улэ. Куара нош ик кылйськыз.

— Выдэ! — каллен гинэ команда сэтйз Ульянов.

Куараос матэ но матэ вуыны кутскизы. Кыд'ёсты валаны уг луы на вал, нош адымос, видно, трес. Тани умой кылйське ини соослэн вераськемыз зуч кылын соос уг верасько. Табере валамон: «соос» со.

— Ыбылыны дасяське! — приказ сэтйз Ульянов но ватсаз на:

— Коля, внимание!

Шодтэк шорысь, копак соосын артэ ик кылйськыз чангес куараен сэтэм финской команда. Разведчик'ёс азе вуиз тбды халат. Со соос дорысен ог дас кык метр кемын вал.

— Огонь! вераз Ульянов.

Кык винтовкамь чопш ыбем куара кылйськыз по тбды халат лымы вылэ усиз. Однако со сьбыры пеймыт азысь нош ик мукет'ёсыз потызы но сюрес пала бызыса мынызы.

— Ыбылай ке, — малпаз Ульянов, — соос адзозы тыл'ёсты. Асьмедис котыртозы. Бездействовать карыны но уг яра. Соос лужкемен мынозы асьме эш'ёсмы доры но нападать карозы. Озы бере...

— Гранатаосы бойлы дасялэ! — каллен гинэ вераз Ульянов.

Кык взрыв кылйськыз. Со пумитэ кылйськызы шбтэм куараос.

— Воякаос! — вераз Ульянов.

Белофин'ёс чалмызы. Ожыт гинэ ултыса, бурпалан пулемет тачыртыны кутскиз. Со — белофин'ёслэн пулеметсы.

Ивлев палэнэгес кариськыз. Ульянов нош азыпала мыныз. Эшшо мыныз на азыпала. Эшшо. Тини пичись писпуос, солэн ымпыр надьсаз ик кинлэн ке но пытыез, тани куинь пичись гинэ кыз'ёс... Ульянов пулемет дорысь адзиз адымиослэсь тыбыр'ёсэс. Со эшшо кёня ке метрлы азылань кариськызна. Потыз гранатазэ.

Кылйськыз кужмо пумитэм куара. И пулемет чалмыз.

— Чылкыт сузямын, — вераз ас понназ Ульянов. Котырсытыз интызэ эскерыса, со ас эш'ёсыз доры мыныз.

«На страже родины» газетись.

Шишмаков бездействовать каре

Зар. - Медлинской сельсоветысь Крупскаялэн нимыныз нима колхозлэн председателез Шишмаков, колхозын дисциплинаез ачиз нарушай каре. Али кемалась ик ёвёл куинь нунал юмса улйз. Колхозник'ёслы нокыче наряд, но өз сет'ял, собере висисько шуса аналскиз. Колхозник'ёсы нюлэскын уг ужало, стйн тыронзы тырмытэмын только 60 процент гинэ, куинь кабан кутсанзы но вань на. Сельскохозяйственной инвентарзы ремонтировать

карымтэ. 1940 арын январь толөө нылкышноос почти ужаны өз поталэ на.

Шишмаковлэн таке ужез но вань на, чабей кызылыз колхозлэн муз'ем вылаз, али кутсаз 22-ти январе 30 пуд ёрос.

Та, ужез судебно — следственной орган'ёслы эскерыса, Шишмаковлы кулэ уждрад'ёс кутано.

Казаков.

Дебесской театрын

„МУЗ'ЕМ“

(5 действийен 6 картинаен драма)

Дебесской колхозно-совхозной театр ужаны куткыса, нырысьсэ ик зрительсьлы возьматыз Н. Вирталэсь удмурт кылэ берыктэм пьесаэ «Земля» (Муз'ем) 5 действийен 6 картинаен. Лызэ басытыса сое, что Дебесской колхозно-совхозной театр али гинэ выдиз, артист'ёсы только гинэ шудыны кутскизы, кудогез нырысьсэ сцена вылэ потызы, озы ке но, урод шудызы шуыса вераны уг луы.

А. К. Главатских артист, кудиз шудиз Листрат Григорьевичлэсь рользэ — коммунистической партизанской отрядлэн командирез но А. В. Малых артист, кудиз шудиз Петр Иванович Сторожев кулаклэсь рользэ — вис'яско асьсэлэн умой шудэмыны. Тодмо, что таос нырысьсэ гинэ сцена вылэ уг ни пото.

Бандитской кулачко-эсеровской мятежлэн военной руководителэсь Антоновлэсь рользэ шудиз артист Каракулов. Каракулов нырысь действийосэ урод шудыса, ббрысь действийосэ шбдскемын умой шудиз ни. Шбдске, что Каракулов нырысьсэ сцена вылэ потыса, азыло кышка вал, ббрысь дышиз, смелойгес луиз. Антонов со — грубиян, невежда, пьяница, но соку ик хитрой лиса. Каракулов сое тырмыт возьматыны өз быгаты.

Урод өз шуды Фрол Петрович Баев крестьянинлэсь рользэ Шкляев артист.

Алешка — Листратлэн братэз, батрак, шудиз артист Ложкин. Алеша луыны кулэ веселой, бойкой егит ни, классовой борьбаез валасьтэм маке. Ложкин Алешкалэсь рользэ мбзмыт шудэ, частушкаосы кырза урод, монотонно.

Наташа, Алешкалэн яротно нылыз, шудэ солэсь рользэ артистка Шкляева. Наташа луыны кулэ боевая, веселая, со сьбртэм юн яратэ Алеш-

каез. Но кызы нымурт егит пиез яратэ, Шкляева озы яратыса шудыны сцена вылын өзгес быгаты.

Никита Петрович красный партизанлэсь рользэ шудиз артист Козлов. Козлов рользэ ляб тодемпа мар-а вбблыт уг вераськы.

Интересно вал учкыны А. Максимова артисткалэсь шудэмэ. Нырысь сцена вылэ потэмез пумысь вераськыны по кышка вал. Ббрысь дышиз, умойгес шудиз ни. Бандитской полк-лэн командирезлэсь Мария Косовалэсь рользэ шудиз та. Мария Косова со пьяница, развратница, грубиян. Егит артистка Максимова эш сое быдэсак возьматыны өз быгаты, но осконо луэ, что азылань Максимова умой шудоз шуыса.

Бушмакин но Веретенников вяло шудызы.

Кёняке кыл костюм'ёсы сярись. Крестьян'ёс но крестьянкаос азыло урод дйсьсынын дйськемын вал. Со эм. Но кукке Советской власть луыса соослы пбменчик'ёслэсь муз'емзэ сэтйзы, совхозын ужаны кут-

скизы, соку соос шумпотыса луд выла ужаны — турнаны мыно. Соослы та бад'ым шумпотон, бад'ым праздник. Озы бере, сое шумпотон кырзанэн но кыл'ёсын гинэ ёвёл возьматоно, умой, праздничной дйсьськем дйсен но возьматыны кулэ вал. Батрак Алешка гинэ умойгес дйсьськылйз, солэн ратоно нылыз Наташа но ялан од г дйсен вал. Ббрысь картинаяз главной действующийёслы луо эрике потэм калык. Соосты жизнерадостной мурт'ёсты кадэ умой возьматоно, костюм'ёсы умоосгес кулэ луыны.

Пьесалэн пумыз, Андрей Андреевич бедняк крестьянин, — шудиз Малых артист, — шумпотыса, калчи лудкыса, вань кужыменыз аслаз муз'ем вылысьтыз юз турнаны кутске. Озы со, та сярись человечестволэсь кема малпам мечтаз ужез быдэстэ. Андрей Андреевичлэн соку вылаз умой дйсез ке луиз, даже пыдаз сюмыс сапегез, со умой гинэ луоз. Али нош солэн ялан кыш'ямо дйсьсез, соин ик впечатление умой уг луы.

Художественной оформление сярись трос верано уг луы: татын А. Ф. Непряхин художниклэн умой, добросовестно ужомез шбдске.

Вакцияк вераса, шуоно луэ, что Дебесской колхозно-совхозной театрлэн коллективез А. М. Зайков художественной руководителэнен но дирекциялэн кивалтэм улсазы, азылань вань та тырмытэоссэс палэнтса, Дебесской районьсы трудящыйёслы умоос художественной постановкаос сётозы шуыса, осконо луэ.

Пономарев.

Врид редактора Г. И. ПОНОМАРЕВ.

Земен ёвёл (лыд'яно). Дебесс сельпосысь ыштэм членской книжказэ зэмен ёвёл лыд'яно Тюлькин Павел Федоровичлэн 1337 номеро.

Дебесский театр басыт

фуртки, военной шинель, военной португейёс, кабураос, фуражкаос но мар, пбртэмезь платяос (вуж'ёсэ но выльёсэс но) но озы ик удмуртской национальной костюм'ёсты. Дуныз соглашения.

3—5 Дирекция